

I.9. Asturias

(Primer semestre de 2011)

José Manuel Pérez Fernández*

El procesu electoral rematáu'l 22 de mayu de 2011, col trunfu del Foru Asturias, esplíca l'ausencia de midíes normativas de caláu mientres el primer semestre de 2011. L'acción de l'Alministración llindóse, no sustancial, a l'adopción de les midíes añales de promoción y fomentu de la llingua asturiana y del gallego-asturianu.

I. Toponimia

Decreto 4/2011, de 2 de febreru (BOPA 33, de 10 de febreru de 2011), pol que se determinen los topónimos oficiales del conceyu de Ponga.

II. Promoción y normalización del usu social del asturianu y del gallego-asturianu

Resolución de 28 de febreru de 2011 (BOPA 58, de 11 de marzu de 2011), de la Consejería de Cultura y Turismu, pola que s'aprueba'l segundu cambéu de les bases reguladores de la concesión de subvenciones a les entidaes locales, nel ámbitu de la Consejería de Cultura y Turismu, en réxime de concurrencia competitiva, aprobaes por aciu Resolución de 4 de marzu de 2009.

La Llínea 1 tien por oxetu la Normalización social del asturianu y del gallego-asturianu. Asina va poder ser oxetu de subvención nesta llínea'l desenvolvimientu de proyectos y actividaes empuestes a la normalización del usu social del asturianu y, nel so ámbitu, del gallego-asturianu. Nun s'inclúin los gastos derivaos del funcionamientu de los Servicios de Llingüística de la Entidaes Locales.

Complétase esta actuación cola *Resolución de 2 de marzu de 2011* (BOPA 58, de 11 de marzu de 2011), de la Consejería de Cultura y Turismu, pola que s'aprueba la convocatoria conxunta de subvenciones a les entidaes locales, nel

* José Manuel Pérez Fernández, profesor titular de Derechu Alministrativu. Universidá d'Uviéu.

ámbitu de la Consejería de Cultura y Turismo, en réxime de concurrencia competitiva, mientres l'exerciciu 2011, y qu'afita un máximu de 5000 euros de subvención per proyeetu. L'importe total que se destina a la financiación de la presente llinia asciende a la cantidá total de 166.500 euros.

Resolución de 9 de marzu del 2011 (BOPA 75, de 31 de marzu de 2011), de la Consejería de Cultura y Turismo, pola que s'aprueba la convocatoria conxunta de subvenciones pa la normalización social de la lliteratura n'asturianu y en gallego-asturianu nel ámbitu editorial, en réxime de concurrencia competitiva [versión orixinal n'asturianu].

Les llinies que son oxetu de subvención son los que s'indiquen de siguío:

- Llinia 1 - Promoción del llibru n'asturianu y en gallego-asturianu.
- Llinia 2 - Fomentu de la traducción y/o edición n'otres llingües d'obres asturianes.

L'importe total que se destina a la financiación de la presente convocatoria asciende a la cantidá total de 189.000 euros.

Resolución de 1 d'abril de 2011 (BOPA 91, de 19 d'abril de 2011), de la Consejería de Cultura y Turismo, pola que se convoquen los premios «Xosefa Xovellanos» de novela, «Xuan M.^a Acebal» de poesía, «Máximo Fuertes Acevedo» d'ensayu, «María Josefa Canellada» de lliteratura infantil/xuvenil y «Alfonso Iglesias» de cómic en llingua asturiana [versión orixinal n'asturianu].

Resolución de 14 de abril de 2011 (BOPA 98, de 99 d'abril de 2011), de la Consejería de Cultura y Turismo, pola que s'aprueba la convocatoria conxunta de subvenciones pa la normalización social del asturianu y, nel so ámbitu, del gallego-asturianu, en réxime de concurrencia competitiva [versión orixinal n'asturianu].

Les llinies que son oxetu de subvención son los que s'indiquen de siguío:

- Llinia 1 - Estudios fechos en o sobre l'asturianu o'l gallego-asturianu. La cantidá máxima de la subvención por proyeetu va ser de 6.000 euros.
- Llinia 3 - Actividaes d'asociaciones y otros entidaes sin propósitu d'interés económico pa la normalización social del asturianu y, nel so ámbito, del gallego-asturianu. La cantidá máxima de la subvención por proyeetu va ser de 4.000 euros.
- Llinia 4 - Actividaes d'empreses privaes pa la normalización social del asturianu y, nel so ámbito, del gallego-asturianu. La cantidá máxima de la subvención por proyeetu va ser de 6.000 euros.

- Llinia 5 - Promoción d'actividaes cinematográfiques y de video n'asturianu o gallego-asturianu. La cantidá máxima de la subvención por proyectu va ser de 8.000 euros.
- Llinia 6 - Promoción de la música n'asturianu y en gallego-asturianu. La cantidá máxima de la subvención por proyectu va ser de 5.000 euros.
- Llinia 7 - Actividaes de medios de comunicación pa la normalización social del asturianu y, nel so ámbitu, del gallego-asturianu. La cantidá máxima de la subvención por proyectu va ser de 51.000 euros.

L'importe total que se destina a la financiación de la presente convocatoria asciende a la cantidá total de 579.600 euros.